

**Promocija Monografije 'Razvoj informacionih sistema u BH Telecomu'
(Sarajevo, 04. septembar 2009. godine)**

U ovoj Monografiji je veoma upečatljivo opisano kako se uz stalnu edukaciju kadra, stalnu saradnju svih zaposlenika i uzajamno razumijevanje, može postići zavidan nivo informatizacije. BH Telecom treba biti jako ponosan što se ova Monografija publikuje.

- Izvod iz recenzije Monografije, prof. dr. Dženana Đonko

BH Telecom je i ove godine povodom 5. septembra, Dana BH Telecoma, promovirao još jednu Monografiju pod nazivom 'Razvoj informacionih sistema u BH Telecomu'.

Svečana promocija održana je u prisustvu zvaničnika Federacije Bosne i Hercegovine, članova uprave BH Telecoma, uposlenika i brojnih medija u hotelu Bosnia.

Od 2005. godine, otkad je počeo obilježavati svoj Dan, BH Telecom objavljuje Monografije sa različitim temama. Ovo je peta po redu Monografija BH Telecoma.

Ovoj Monografiji prethodile su: Monografija 'Dioničko društvo BH Telecom Sarajevo' (2005.), Monografija 'Deset godina razvoja mobilnih komunikacija' (2006.), Monografija 'Deset godina razvoja paketskih komunikacija' (2007.) i Monografija 'Stotinu i pedeset godina razvoja fiksne mreže u BiH' koja je objavljena 2008. godine.

Svaka od ovih Monografija ostavila je pisani i dokumentovani trag o događajima koji su uvjetovali razvoj određenih segmenata u BH Telecomu.

Recenzenti Monografije, prof. dr. Mujo Hebibović i prof. dr. Dženana Đonko, dali su pozitivnu ocjenu ovoj Monografiji i istakli kako je 'postavljen jasan strateški cilj poslovne podrške BH Telecomu'.

Govoreći o Monografiji i historijatu razvoja informacionih sistema u BH Telecomu, g. Čaršimamović je istakao da ovogodišnja Monografija 'Razvoj informacionih sistema BH Telecoma' sadrži neborive dokaze da se sudbina BH Telecoma može izraziti u nekoliko riječi a to su - biti prvi, biti prvi u poslovanju, inovacijama i kvalitetu, biti prvi u svim vremenima - u prošlosti, danas i u budućnosti.

Svi autori tekstova ove Monografije su direktni učesnici razvoja informacionih sistema u BH



Telecomu. Istaknuto je da će ova Monografija otrgnuti od zaborava aktivnosti, događaje i ljude koji su vezani za uvođenje i razvoj informacionih sistema u BH Telecomu.

Generalni direktor BH Telecoma, mr. Nedžad Rešidbegović, istakao je zaslugu stručnjaka koji rade u BH Telecomu,

zahvaljujući kojim je BH Telecom prešao dug i mukotrpan razvojni put. BH Telecom je stvorio viziju razvoja informacionih sistema u funkciji cijelog sistema i razvoja kompanije, koja je u velikoj mjeri i realizirana. Kompanija je napravila značajan iskorak u razvoju i primjeni informacionih sistema, zbog čega je i postala jedna od naprednijih telekomunikacionih kompanija, ne samo u regionu već i u svijetu.

Kao odgovor na nesigurnost tržišnih uslova i pojavu konkurencije, BH Telecom koristi standardizirana rješenja i primjenjuje najbolja praktična rjesenja u informatičkoj i telekomunikacionoj industriji, čime povećava sigurnost u planiranju budućih aktivnosti.



Održiva budućnost u oblasti informacionih sistema u BH Telecomu je jasno i realno planirana, razvoj je kontinuiran i oslanja se na vlastite kadrovske

potencijale, a pozitivni rezultati će potvrđivati sposobnosti u upravljanju razvojem i davati stabilnu podršku poslovanju. Stvoreni su svi potrebni uslovi da BH Telecom i u budućnosti 'bude prvi' i u poslovanju, i u inovacijama, i u kvalitetu.

U ovoj Monografiji je istaknut već jasan strateški cilj poslovne podrške u BH Telecomu: 'Biti ispred ideja za razvoj mreža i usluga, a stvorenoj ideji olakšati implementaciju i funkcionisanje'.

Sve monografije BH Telecoma možete pogledati na Portalu BH Telecoma

Strateški